

頌

天

臚

筆

頌天臚筆卷之二十

五湖耄叟朽來補

訟寃

吏部等衙門爲奉

旨會看疏

吏部尚書王永光等謹題爲

聖恩無涯父仇必報敬拜血疏請伸兩觀之誅
以瞑九泉之目事吏科抄出原任吏科都給
事中今贈太常寺卿魏大中次男生員魏學

廉奏前事等因奉

聖旨魏學濂瀝血上書情殊可憫奏內阮大鍼傳樞事情該部院看議來說欽此又該原任都察院左僉都御史左光斗男生員左國柱奏爲逆謀萬的千真父冤一字一淚事等因奉

聖旨傳樞阮大鍼已有旨下部看議這奏并看了來說欽此欽遵通抄到部該_臣等會同都察院曹于汴等看得左國柱魏學濂俱以爲

父被極寃陳議 闕下情詞瀝血慘動域中
而所指下手寃對則指爲阮大鍼傳樾挺身
應募明作禍魁先借汪文言爲諸賢併命之
仇託傳應星爲內外交通之線不過染指好
官寃而殺人取媚遂致 朝廷統憲掖瑣之
忠臣苦極析楊慘同齟割乃今

聖明御宇大憝肅清而大鍼猶肆口合算之疏
傳樾尚醜顏列卿之席細考前後會核公評
豈容復玷官聯尚襲冠帶當盡考功之法以

伸孝子之情俱當削籍爲民永不叙用者也
臣等無任激切待

命之至

原任福建道監察御史周宗建男生員臣
周廷祚周廷祉謹 奏爲臣父首折逆鋒
被禍尤慘璫罪旣彰父冤宜雪謹瀝血土
籲仰祈

聖鑒疏

臣父周宗建職居言路性秉孤忠首發逆璫
魏忠賢必至之禍橫罹陷賊慘訊殞命在臣
父殺身報國無負夙心獨臣等痛父之冤
血淚迸竭延喘旦夕萬苦難言今幸遇

聖明御極離照當天盡燭逆端大惡深憫諸臣
極寃屢奉

聖諭憐及 詔獄幽冤一則曰借 旨擅殺敢

諫忠直之臣一則曰串同心腹酷刑嚴拷誣

捏賊私立斃多命近科臣祖重燁疏稱臣父

首攻魏忠賢客氏在楊漣之先禍慘功烈奉

有 聖明旨內云周宗建擊邪慘死着與優卹

科臣顏繼祖疏稱臣父寃死獄中復奉 聖明

旨內云受禍獨酷着早與贈廕以慰忠寃臣

等捧誦 綸音拊心感涕猶不披瀝控陳則
臣父于諸臣中糾逆獨先之忠于諸寃死臣
中被禍獨慘之狀于立身居官極清極直之
操俱含泣九泉無以自白臣等尚得爲人子
乎敢冒死爲

皇上陳之

臣

父直隸蘇州府吳江縣人中萬曆

癸丑進士甲寅授浙江武康知縣兼攝德清
丙辰以異等調繁仁和飲水勵職潔已愛民
歲舉卓異三邑尸祝廉明之稱遠走海內已

未留部考選辛酉荷蒙

先帝簡擢御史維時逆惡魏忠賢原名進忠竊
弄太阿浸擅生殺要結客氏表裏爲奸一時
廷臣惕懾其威卽有懷忠抱憤者相顧莫敢
先發臣父義激于中謂

九廟神靈呵護之

熹皇何忍爲逆璫狎侮

二祖

列宗珍重之

絲綸何忍爲逆璫矯竊二百六

十餘年培植之士氣何忍爲逆璫摧殘及今
不急請誅鋤勢必上累

聖治下毒衣冠貽禍

宗社追悔無及于是因雨雹示警首發其奸此

壬戌四月二十九日疏也忠賢恨

臣

父值

先帝文華殿撤講後摘疏中干人所指一丁不
識兩語詬詈之聲直達

宸聽即欲殺

臣

父杖下賴輔臣葉向高韓爌等

申救以免而忠賢固未肯須臾忘也自是忠

賢威福日甚于是

臣

父決以死爭之癸亥二

月二十七日復有直請鋤斥以清宮禁以

絕禍本一疏忠賢益恨

臣

父入隨至請削髮

爲僧以激

先帝之怒遂矯

嚴旨責令回話

臣

父隨于本

月二十九日據實直言毫無顧忌自誓一旦

在朝必當一日盡言擊賊不與俱生又見

關通線索俱繇客氏則

臣

父又在諸臣一字

未及時先于辛酉九月二十八日有請罷入

宮之疏忠賢于臣父誠不兩立之勢矣隨奉
差按楚旋丁艱在籍迨後兩載甲子六月楊
璉劾忠賢二十四罪相繼補牘不下數十餘
人每引臣父疏語爲証于是忠賢之恨臣父
欲殺臣父尤不能一朝待矣遂遍囑所私中
臣父以奇禍一時清議尚在無肯應者乃首
募極貪極邪士類不齒之曹欽程結爲義子
啖以美官無端傾陷指及作令贓私而削奪
勘追之

命下矣

臣

父五年縣令一介不污乃欲于八年

離任之久考選七年之後駕空誣爲狼籍安
所據乎撫臣毛一鷺承望風旨移文搜索而
藩臬有司百口昭雪三邑士民聚萬訟冤案
墨具在足憑也一鷺無隙可尋勉強坐賠該
縣公費并奪俸貲追銀一千二百五十兩而
臣家三世百畝之傳盡矣忠賢猶以勘問
足殺臣父又授意腹璫李賈均據惡噴狼顧
殺機旋即矯旨扭解來京寃問緹騎縱橫

多人威詐而臣家寸絲尺縷無不乞官旗之

橐者及下鎮撫司逆黨許顯純崔應元等首

責臣父云汝是首發禍種又辦着極刑待汝

遂炮烙酷加筋脉斷絕較之夾拶棍杖倍極

慘毒更可異者拷掠時乃有名爲聽記者儼

倨堂上指揮授意又有名爲打事件者絡繹

道路每一打問必得忠賢命然後發落萬千

威逼臣父寧死不屈而顯純等竟懸坐贓銀

五千二百五十兩然忠賢猶未快也更矯

旨盡數窮追昨日傷殘剩骨復遭慘訊奇兇
再訊之酷臣言之而腸已寸裂矣尤可痛者

煅煉羅織無處下手橫判云但其作縣未久
再坐追贓七千兩隨勒限追比子身莫措案
仗義者共憐臣父清貧各相湊助僅完銀三
千三百六兩三錢仍復五日一嚴刑迫臣父

立就鬼錄酷暑蒸腐肢體殘落且臣父于六

月十八日斃獄獨至二十四日方許領埋身
填牢戶屍供蛇蛆視諸臣猶得以血濺囚服

裹置棺內而臣父一絲不掛身首零落此則

半生忠直首折逆奸之結果也臣等扶輓歸

家李實捏造抄斬之說臣八旬祖母號痛立

絕九齡幼妹驚仆隨殞方無以備衣衾而部

劄追贓星火下矣有司希奉忠賢追呼百出

勢同剪滅臣母寄跡親族親族懼禍不敢收

臣等流散客舍客舍畏威不容入命懸呼吸

危苦無申未了遺贖析骸莫應于是身不自

主行乞求憐波累親知聚族苦湊又陸續共

完銀六千五百六十兩分毫之積奚啻血髓哉幸在未經奏

聞之列望

皇上以憐萬燬者憐

臣

父釋此誣捏之賊也嗟乎

逆奸播毒殺其身不快必極其求死不得而後殺之殺其父不快又及其子之求完不得而欲盡殺之臣非逆族何以有此自古使節死義者指斥奸佞碎首何辭獨臣父于忠賢威焰方張之日當先摘發爾時倘邀

原任福建道御史贈太僕寺卿周宗建男
生員臣周廷祚周廷祉謹奏爲懇矜首忠
俯賜全卹以光泉壤以瞑忠目疏

臣等于前月初九有臣父首折逆鋒被臣
尤慘一疏奉

聖旨周宗建首折逆奸慘死可憫着該部從優
卹廕誣坐賊銀准與豁免仍補還勅命以旌
忠直附惡諸奸已有旨處分該部知道欽此
臣等恭誦 綸音感激涕下而猶不得不哀

控于

皇上之前者誠以臣父之殺身實倍有苦焉臣父三疏攻大逆極惡禍國震主之魏忠賢一疏斥潛通線索蠱惑作奸之容氏一疏糾典兵賣威蟠結羽翼之劉朝俱在諸臣一字未及之先前後五疏歷數其必至之禍因已言言皆驗豈不知逆謀已集毒焰方張擊之者碎犯之者死而臣父身首虀粉攻之惟恐後者實冀

先帝洞察有裨

君國持此赤心以見

二祖

列宗于地下可無愧矣豈期有今日之昭雪哉
一旦天開

聖明磔逆誅兇卹忠起廢見吏部覆疏內已槩
叙臣父于諸寃死臣中贈官錄後其應得祭
葬具有成例請移禮工二部

皇恩浩蕩生死共沾顧臣等含哀卹次深有餘

惘則以臣父之死也當兩月酷訊百慘備嘗
之後氣僅一絲未斷猶柙之夜半覆以沙囊
更墜重石兇卒猙獰環立取命且時極暑炎
故遲多日拋屍犴竇肢體敗殘未整遺骸爛
投朽木迨至負骨遠歸已罹誣賊苛比正苦
立錐無地有誰窺窬可安憑棺萬痛借頓荒
阡視彼一坏得覆尚有夜臺足泣而臣父竟
淒風雨忍使冤鬼終飄更以臣父清絕一塵
家空四壁臣祖數年未厝祖母痛難殞身三

棺在暴泚願盡心此誠無告之孤斃而

皇上之所不忍聞者也

皇上于起廢諸臣猶重以首遭璫擯而亟予登

庸矧

臣

父當先擊賊以義殉身乃不沐

皇上全卹之典哉查得

世廟時兵部員外楊繼盛疏忤奸輔嚴嵩繫獄
殪死

武廟時吏科給事中周璽疏忤逆璫劉瑾逮獄
處死後皆得 欽賜祭葬贈廕建專祠謚忠

愍又伏讀 大明會典內一款凡以死勤事
若抗節不屈身死綱常者犯顏諫爭身死國
是者開其實蹟卹典取自

上裁夫 臣父孤忠抗疏首發逆謀逮獄誣贓殊
成慘殺此先機遘禍其心有最苦者伏乞

勅下禮工二部准照例子以應得祭葬專祠卹
賜具覆庶首忠得以自表而貞魂不致無依
矣至易名之典則鄉有輿評 朝有公論 臣
父生平當耿耿人心也又捧誦

明旨誣坐贓銀准與豁免計臣案手鎮撫司體

追銀三千三百六兩三錢父死之後又手本

籍嚴比現追銀七千六百十兩在萬煥有解

到全給之例在楊璉于蠲免外現追數內又

憫給銀五百兩憐卹臣父惟在

聖明臣等無任瀝血哀懇待

命之至

崇禎元年四月初九日具題奉

聖旨周宗建三疏發逆忠鯁尤著所請全卹着

該部酌給仍於贓銀蠲免外准給鑄五百兩
以昭憐憫該部知道

原任山東道監察御史今贈太僕寺卿
尊素長男生員臣黃宗義謹奏爲恭謝
聖恩哀陳父節仰祈

聖鑒垂憐并殛造謀二逆以伸孝思以快公憤
疏

臣父黃尊素秉正嫉邪攻發逆璫魏忠賢罪
惡被逮死獄臣從舞象之年招魂歸里泣血
至今靡寧朝夕伏觀

皇上踐祚離照當天大奸距脫此直臣冤抑見

伸千載一時也立起赴

闕訟

臣父寃此至

則已奉

明旨下部議

臣

父寃死直節贈官

錄後生死蒙

恩感泣何能自己第念

臣

父

抱痛九泉

臣

腐心三載敢無一言哀控于

皇上之前

臣

父中萬曆丙辰進士授寧國府推

官壬戌考選除山東道監察御史侃侃直節

自持入班未踰一載而疏凡十三上悉中逆

奸之隱時魏逆與客氏表裏爲奸形已厝火

勢必燎原

臣

父預抱隱憂因災異示警直陳

時政得失謂阿保重於趙嬈禁旅近於唐末
蕭牆之憂慘於戎敵毫末不札將尋斧柯當
奉嚴旨切責此甲子三月初六日疏也至
毒蝕方張漸不可制于六月初九日復上
聖斷不可不蚤一疏謂忠賢與其私人柴柵旣
深螫辣誰何勢必臺諫折之不足即于戈取
之亦難請

先帝嘿察人情自爲國計即日罷忠賢厥務
于是忠賢不殺臣父不已臣父亦自分必死

而後已也至七月初十日業已杖死工部郎

中萬燦

臣

父首上士氣已竭一疏論奸人必

借廷杖以快其私將爲所欲爲莫有顧忌

而禍移諸

國且曰生臣死臣勿敢計而魏

逆殺

臣

父之心益不能須臾待矣時尚衆議

朝雖逢所甚怒得不即同燦死者皆諸正臣

救護力也未幾彪虎縱橫有希旨逆徒爲忠

賢義子曹欽程首發大難於內腹心李實羅

織無端於外交口鱗誣取

中旨如寄候而削奪候而逮繫矣時值緹騎激
變於姑蘇畱滯不前臣父聞之即拊心自念
忠良總人臣之義生死皆

君父之恩即日投呈按臣齎本步行至京就繫
一段慷慨不避之槩臣言之而未盡也迨下

鎮撫司打問許顯純崔應元承順逆指酷刑
嚴拷體無完膚誣坐贓銀二千八百兩臣痛

父血比遍貸臣鄉之商于京者并父之同年

門至差足交贓將完而殺機遂決矣一日獄

卒告

臣

父曰內傳今夜取汝命汝有後事可

即書以遺寄

臣

父乃于三木囊身之時北向

叩頭謝

恩從容賦絕命詩一首中有正氣

長留海嶽愁浩然一往復何求等語自是而

臣

父命畢於是夕矣噫黑盆蒙面巨索縋腹

何等奇慘而猶以病故欺

先帝此

臣

辛酸酷烈日夜悲憤不能不哀控于

我

皇上者也然

臣

父之慘死雖繇逆璫恣擅實階

逆之欽程李實借以希榮同謀殺人有律尚
可爲大奸遲一日死乎且曹欽程管陵工
神木廠二役侵匿不下數十萬李實蘇杭織
造侵盜不啻百餘萬坐擁巨貲殺人草菅誠
舉朝公憤所不容者乃李實欲卸罪於李
永貞嗾孫昇出爲質辨豈明明三尺可爲逆
璫詭脫地耶伏乞

勅下部院查

臣

父前後奏疏果否預折逆萌

臣

父殺身果否欽程李實陷害速逮欽程與李

實立正典刑上扶國憲仍將兩奸貲產沒
入助邊使臣父清節直氣大著於時則願忠
者衆小人之兇鋒惡焰明肆諸市則爲不肖
者警亦以禪聖政於萬一也臣無任瀝血
哀陳待命之至

崇禎元年三月

日具題奉

聖旨黃宗羲奏謝知道了曹欽程李實等已屢
有旨處分該衙門知道

原任都察院左都御史楊漣男楊之易奏
爲恭謝 天恩泣稱冤苦伏乞 聖鑒以
明臣節疏

臣父楊漣孤介性成忠貞自勵初任常熟縣
知縣考察天下清官第一人選授戶科給事
中候 命七年實補兵垣當

皇考光宗朝三蒙 特召親承 顧命隨

先帝鼎成以移官一事杜漸防微憂危六月髮
鬚頓是皤然不敢居功因 請歸田里越二

年以禮科 召還由太常寺卿陞副都御史
每思 恩重身輕誓圖仰報遂以逆璫計擊
遭羣奸百計朋殺荷蒙

皇上特賜矜憐屢諭優卹起旣死于九原俾餘
生于再造是知臣父之苦者惟我

皇上而臣父之冤苦敢不爲我

皇上告乎自二十四罪之疏上首破逆璫之膽
日夜合筭思死臣父故狼狽歸里束身待斃
而逆璫之怒不休果借封疆題目而逮繫之

旨下矣時值酷暑鈕鎖銀鐺慘如炮烙城郭
士民閔然激變臣父四向叩頭告以

君臣大義始得解散入別孀母出就檻車明知
必死輿櫬偕行雖沿途村居城市焚香設醮
保其生還而匹夫匹婦之心安能回在廷在
內之計乎及至 都城竟下鎮撫拷打鍛鍊
皮綻骨斷懸贖二萬不時研比死而復甦臣
父大叱許顯純曰熊廷弼初在遼陽我有叅
疏及廣寧陷後我爲奉 命而出失事而入

敢辭一死之語廷弼恨欲殺我此豈受賄爲
營脫者若夫移官始末曲突徙薪

皇天后土鑒臣熱腸昧心殺人狗彘不食汝肉

顯純大怒竟將頭面亂打齒頰盡脫臣父罵

不絕口仍加鐵釘貫胷立刻處死挨延土日

始得領埋止存血衣數片殘骨一具傷哉臣

父止爲社稷鋤姦何苦遭此極慘乃遊魂

孤子奄奄旅舍而撫按追贓之旨又下臣

父家世清貧平日尚多稱貸并臣伯父楊清

分產盡没入官不足千金祖母漂寄于城樓
父棺暴露于荒野母子兄弟計惟駢死知府
李行志不避偵邏親書募文知縣夏之令四
門設櫃捐俸首倡士民憐忠傾家樂助完及
一萬餘兩後欠之數周應秋巧逢璫惡勒限
四月催檄如火羅織無休老僕笞死幼弟驚
殂誣賍總欲污名合郡慘過抄没

皇上試念諸臣追賍何以尚有未辦未完者俱

叨

聖恩蠲免而臣赤貧之家何獨報解如期止緣
臣父觸兇最早追迫之苦百倍諸臣自難逃
于

聖鑒矣尤不忍見聞者爰書之媚疏一出赤族
之誅傳聞風起偵邏四布人避如疫豈止臣
家鬼哭神號凡屬姻親妻竄子離以致臣伯
楊清數日殞命種種積苦心痛難言即

聖明御宇之初而臣不敢匍匐叩聞者彼時
護璫餘黨布列在位臣等未敢稱冤今覩

日月重明魑魅潛形臣敢苦次瀝血兩疏上陳
恭謝

天恩伏乞

皇上慈鑒

臣

父報

國始終受禍緣繇急

勅法司將附逆殺人之罪明正典刑始申

朝廷三尺之法得瞑寃臣九泉之目爲此激
切控訴待

命之至

崇禎元年十一月初八日奉

原任左副都御史楊漣男生員楊之易楊
之斌奏爲羣兇構陷千般孤臣冤死萬狀
冒死籲 天懇乞 聖明大彰 國法以
慰冤魂疏

竊惟人臣致身報 國何惜一死惟死而不
明死之故及致死之人更當

堯舜在上 優卹特加而死不明子又隱忍畏
禍不敢出一言以明之豈惟可惜真可痛耳
從來亂臣賊子欲舉天下第一等事必先除

天下第一礙手之人故逆璫蓄謀無將人第
知于甲子數年以後臣父知于天啓元年以
前思患預防在兵科時即有疏叅魏進忠進
忠者忠賢之原名也自臣父去國三年忠賢
羽翼已成殺機浸露不得已弃身家拚性命
直陳逆惡二十四罪一以冀

先帝之悟一以解中外之變庶幾仰副

光宗報几前受命再起田間之大恩耳乃
擊賊不勝而賊謀轉毒魏廣微以門生秦士

文偵知臣父復有叅䟽投柄佐逆而通天老
猾殺人最狠之徐大化正欲投權又有貴孽
田弘滋乘機挑激于是深怨積恨居間串合
教之升木教之同心教之放開手眼廣募死
士而臣父無死所矣命梁夢環舉汪文言舊
網而詔獄復興創謀之楊維垣應募入幕
感恩圖報一出封疆之計一出移宮之計徐
大化遂兩收之以受賄逮移宮殺爲身亡家
破之計又乘未到預捏口單當先一䟽奉

旨逮問霍維華即隨疏倡和諸奸協力政府
集成忠賢喜其事情重大鍛鍊周詳特調許
顯純崔應元主其疏賍指掌緹騎網羅先殺
文言以滅活口又勒限獄官以索死命源策
既死廣微膽落而賈繼春復出獻奇策曰我
有一計能欺天下後世皆以楊漣爲該殺蓋
不以叅忠賢爲借題則楊漣之殺爲非法不
徂定移宮貫串王安在內則楊漣之死爲無
名于是盡反向疏之所云居間書札之所云

借攻倒戈橫劇請創爰書此非諸奸朋謀設
穿通內殺人之罪案哉罪案自完又值

皇上秦鏡當空稽奸安所逃罪轉生一計曰不
若堅持新說但不死于法吏而死于 詔獄
死處難赦慘處誰憐既不悖優卹 明旨又
不露攢殺本相更有忠賢顯純塞責仍思縱
橫顛倒作事外假公道之人故維垣借叅罪
樞之名邀 旨站脚既下王安一着以巧當
于先又恐公道漸著獨力難支則借起廢之

明旨急引朋謀殺人之徐大化霍維華阮太
鉞而用之于繼春且不次陞遷焉繼春自揣
幻術已破清議難容急薦多人番身兩截遠
倡近和曰此前後忤璫者也此不入門戶者
也嗟乎冤哉首擊元兇身亡家破生死仇讎
者橫目爲通內之人內外呼應好官由我殺
人如麻者反指爲忤璫之人

聖明在上尚作如此舉動則當年之加刃臣父
尚待臣言之畢哉通內殺人無可調停之法

大逆不道無分首從之法伏乞

皇上大奮軋綱將主謀導逆下石加功諸奸照
律定罪並振天誅以爲屠戮忠良傾危

宗社者之戒外

臣

父獄中絕筆一書悉移官始

末遺字一紙述徐大化銜恨綠繇血肉淋漓
中原草不敢輕呈謹抄謄恭進

御覽更祈

勅下史館以備採擇施行

崇禎元年十一月初八日奉

聖上且

公共之用

Abstract



朱

—

7

3

Figure 1

4

1

1



1

2

1

1

1

原任左僉都御史左光斗男生員左國柱
奏爲逆謀萬的千真父冤一字一淚疏

臣父之死阮大鍼傳樾其主謀者也魏廣微
其下手者也楊維垣霍維華其加工下石者
也臣請畢陳其繁東廠理刑傳繼教認魏忠
賢野子傳應星爲兄弟招搖權貴傳樾以同
姓兄弟應阮大鍼以異姓兄弟應顯肆驅除
陰圖位置巧停工科周士樸之陞遷以那阮
大鍼吏垣之序轉事洩喧傳則疑臣父之同

鄉祭其謀而嗾傳梃以論張鵬雲臣父與魏
大中俱不免矣梃誣疏之日正逆璫進香湯
州大鉞叩首馬前密謀幕內之臣一時由
旨迭出臺省交章楊漣二十四罪疏所云即
馬獻策那移叙陞蓋指大鉞而內變外發
呼內應蓋指傳梃也自後殺者殺成者成配
者配削奪者削奪傳梃以比驢一疏開殺入
之端大鉞以合算一疏結殺人之局着着關
通矢矢可中此阮大鉞傳梃結忠賢主謀殺

臣父之一案也忠賢疑楊漣疏與聞臣父魏
廣微切齒門生宰相四字兩魏同心密計以
今日不殺楊左則後日大事不成不狃定題
目則楊左難殺不先行削奪廣開招募則殺
楊左之人不來殺楊左之計不出于是月費
千金散兩家門役打探動定遂以矯旨逐
趙南星等臣父籲天草疏叅魏忠賢魏廣
微交通不法狀遂預借會推削奪而徐大化
楊維垣霍維華等來乃有封疆移宮之奇禍

出矣議誰發難仍用詔獄之汪文言議誰生
獄仍煩心腹之許顯純欲逮即逮欲殺即殺
案詞不必面供對簿不必活口又恐命難速
斷則借贓毒比勒限時日此魏廣微結忠賢
下手殺臣父之一案也臣父死非其罪諸將
愈不得平心又相與創立爰書則布要典與
白領危臣官闡而原疏加恩等語則削除不
載口口株連侍從而救株連之時使非就裏
調護臣家幾無噍類此楊維垣霍維華賈繼

春等結忠賢加工下石殺臣父之一案也三
案昭然而

聖明御宇諸奸心膽墮地與其辨已之非朋殺
不若硬坐臣父之當殺故楊維垣攘臂參罪
樞之積惡藏殺人之凶身而大鉞等惟恐始
謀之發力收後勁之功干言萬語題目總是
受賄移官精神却在通內

皇上試拘大鉞等而問之臣父受廷弼之賄何
以不救廷弼一字移官陞何官邀何賞通王

安做何事且忠賢殺戮之人何以爲通忠賢
之人文言四年三下詔獄之人何以爲通忠
賢用以通忠賢之人更問大鉞若不通內同鄉
并掃時何獨穩步京堂加銜執僕柰魯生保
文煥之薦何芥相投

先帝彌留之時 溫旨何途得出周並樣交腰
還何以停吏垣之手眼何以換若未通內
大何大鉞所欲殺者忠賢盡殺忠賢所欲殺
者大鉞抵死以爲該殺忠賢之權誰道之而

使不得不挑 優卹之旨誰迫之而使不得
不反中途之䟽誰迫之而使不得不爭局
旦夕前此鐵面剛腸之薦誰迫之而使不得
不自爲矛盾此亦情見乎詞不訊自供矣懇
乞

皇上下奮輒剛將主謀之阮大鍼傳襪直窮到
底急正典刑更將下手加工下石諸奸用正
厥辜元凶得情不誅孤臣百叩不反臣無任
哀痛號泣待

命之至

崇禎元年十月

日奉

聖旨傳樞阮大鍼已有旨下部看議這奏折看
了來說該部知道

原任吏科都給事中今贈太常寺卿魏太
中次男生員魏學濂謹奏爲恭謝 天恩
并陳家難仰祈 聖鑒疏

逆璫肆禍最毒先臣大中蒙禍尤先

聖明在上奸殛忠昭頻傳

聖諭優卹慘死維時先臣之寃未盡湔雪

臣追

欲登 聞瀝血 闕下第恐蹟涉陳乞反拚

皇上自行卹忠之意且失先臣生時恬退之心
故在疚嬛嬛靜聽 明旨而

皇上先後俞臺省之請部院之覆先臣蒙 贈
廕祭葬又奉 旨全給謚廕建祠賜額是先
臣生而心丹死而血碧

皇上廉其生愍其死而寬白先臣雖不可作必
銜

天恩於地下况

臣

醜留餘生者哉顧先臣之

卹殊優正以先臣之死殊慘

皇上且以慘死而卹之

臣

忍不以慘死者顧之

皇上先臣自少貧孤惸惸靡托擷菜爲糜紉

爲被雖四壁無有也通籍之後不改窮素居
鄉每絕干及奉使輒謝贈貽督浚城濠巡
視節慎剔蠹減費靡弗殫心巡青則省價存
羨約計四萬餘金一生硜硜類如此至發霍
丘縣官之餽則苞苴之及門尤恥而必卻者
也死竟坐賄三千三百餘金遼陽之陷楊鎬
等奉旨從寬議處先臣疏爭鎬卒長繫後
鎬及熊廷弼等奉旨貸以不死先臣於
朝審日堅不畫題且爲刑垣具公疏而議定

則口口辟諸縲臣天下共耳目也死竟坐楊
鎬熊廷弼賄三千三百餘金天乎冤哉蓋先
臣廷奸者百端奸人殺先臣者亦百端臣秦
短憾長臣不敢違式入告試且以先臣之罪
與臣兄學海之殉先臣以死者陳之而臣等
已見弗可弗報矣先臣之被逮也舉家驚痛
臣母屢絕屢甦諸孤訣於水滸絞腸如輪恨
不得父子兄弟相抱一慟俱斃而先臣怡怡
就道眉不爲顰會大風雨屋瓦皆飛父老垂

弟送者數萬綿繹於途呼聲動地無休綈騎
亦爲涕零臣兄躑躅赴難不敢同行變易姓
名夜趨晝伏得不死於邏卒手者幾希先臣
擲下詔獄則受窘奸弁且詬且訶弛扭受
拶弛錄受夾弛拶與夾仍錄扭受棍暑日炎
炎煨煉竟日先臣有死不承如明心堂豈是
昧心堂數語即東廠聽記者也許顯純崔應
元竟爲誣服詞具奏而不時追比之嚴
旨下矣先臣指斷脛裂股大於腰疊棍所中

結爲黑丁斯爲深坎不一再宿復棍棍擊赤
肉肉敗蛆生淋漓零落墮堵止者魄如斗蓋
嚴刑之下旣無力圖生且無方圖死顯純藥
旣酷掠以促之而微喘猶屬則使管事官送
人入獄不知何以拚殺而徐以病故聞幾
雷滄暑 旨下遲遲越六世謂出疑宋寇襲
漲而黑面與鼻平幾不成殮爾時過人尚
爲先臣設醮諸孤日冀父生還時何而
已扶櫬歸矣兄弟相見焦麻齒裂臣兄曰侍

生父徃竟侍死父還視父死杖下不能救生
不如死於是昕夕號咷水不入口哭而病病
復哭每至兩夜淚盡舌枯臣以漿進鄒之曰
父詔獄中誰夜半而進之漿者乃號咷至至
死嗟乎甫悲父亡不踰月而兄續臣血耗神
悸自分死亡而追比復迫將欲傾家以償而
無家也服物徧鬻細及七箸弗抵萬一幸里
中助以醵錢縣官多方補措二三交好不避
餘沫之濺而竭其忠始得承不孥之恩旣

經蕩析織子靡遺兩觀並暴郊原數口分餽
親故嫠孤自計此生飽煖已難再得矣幸遇
聖明於慘死諸臣之恩無不深於慘死諸臣子
孫積無不洩先臣特蒙優異故臣行乞
都謝

皇上而告其哀竊痛先臣刻苦一生餘行九死
臣况以身殉父禍更存臻

先帝得什死忠之臣獨先臣得一死孝之子

皇上忠無不卹孝自當旌

臣烏敢請第先臣兄

奉旨祭葬建祠倘得附於墓祭配祭祠
臣之私也

崇禎元年十月初十日主上疏請仰雨觀之誅
十四日奉

聖旨覽奏魏大中慘死情狀殊惻朕心魏學洙
殉孝捐軀不愧忠後附葬配祭聽從所請昭
朕孝治天下之意該部知道

原任吏科都給事中今贈太常寺卿魏忠
中次男生員魏學濂謹奏爲恭謝

聖恩無涯父讐必報敬拜血疏請伸兩觀之誅
以瞑九原之目疏

臣
家難較諸臣倍慘

聖恩較諸臣亦倍優使非逆璫煽禍而義甥義
子義孫教以殺人之法予以殺人之券則先
臣之忠不於死著又何有臣兄之孝故臣念

聖恩之所以優彌痛家難之所以慘父兄有讐

矢不共戴能禁囁血長號嗃嗃

皇車之前哉先臣潔已循法動而懷忠死而盡
盡之恩節踰靡之費者不避有力有勇而無
衆怨衆怒者也至請粹柔國則慰諸獄寢
德亮請簡卿寺則慰懷撫之王紹微攻媚客
氏之訖准則因懟客氏攻庇崔文昇之方從
哲則因懟文昇攻臣廷嫉奸請旣甚疑公孫
嫉先臣者亦從此耽耽而傾危悉阮大鍼遂
兄事忠賢之甥傳應星傳繼敘以固援持內

并率傳檄兄事應星繼教以植黨於外既夜
叩忠賢於涿州進百官圖旁簽王振劉瑾故
事導之殺人以肆毒於外又嗾傳檄道劾狀
謁忠賢借長安共往共來之汪文言爲阱於
國中以授題於內而先臣適見逆謀不靖
先帝孤立皇子列嬪之死生悉寄於忠賢
客氏之喜怒禍釀於密非所忍言故疏列
懷冲太子 裕妃胡貴人三事入 告且連
引傳應星陳居恭傳繼教諸逆孽旣觸忠賢

客氏之機正入太鉞傳檄之數疏。奏並獲
卽傳下獄。輔臣韓爌封還得擬罰俸而忠賢
殺先臣之心已甘之矣。崔呈秀則又疑施臣
與聞其革職。魏廣微則又銜先臣直糾其幾
儀所以廣徵之姻家陳九疇以疾辭。謝應祥
之推撫致逮先臣於前。呈秀之私奉親喪。機
以銓臣周順昌之訂姻促殺先臣於後。總之
殺機旣發。不過兒女之姻。師友之雅。俱可塗
爲死罪。然亦以見先臣之皜皜而殺先臣者。

之窮於策也獨阮大鍼傳樞終以攘鍼訾先
臣此其故先臣原䟽甚辯大鍼移疾未幾兼
行入都不難遲劉弘化之艱使弗聞不難尼
周士樸之陞使弗下迨弘化去而大鍼補太
鍼去而先臣補夫亦先臣之缺大鍼攘之而
大鍼之缺先臣特補之云爾乃旣圖先臣于
生前又欲戮先臣于死後先臣苟非大鍼等
之讐彼何必如是下手大鍼等苟非先臣之
讐臣又何必如是痛心第觀借一汪文言以

殺諸臣梁夢環實應傅樾之着而鎮撫遑顧
諸臣家傾而身殞魏忠賢實按阮大鍼之圖
計及此而諸臣之怨對忠賢呈秀其從而哭
鍼傅樾其首矣故臣非不願

皇上籍魏廣微之家亟棄倪文煥梁夢環於市
陳九疇從重處分逮崔應元究何以拚殺諸
臣而臣恨未及齮阮大鍼傅樾之肉茲登第
遑問也伏乞 勅下部院提阮大鍼傅樾鞠
其入幕獨先實衍義子義孫之派而下石有

據當償殺兄殺父之寃魏忠賢許顯純既已
正刑幸以首賜臣碑臣借慘死諸臣子孫
於鎮撫司牢穴前呼其先人哭踊澆奠若
不孝不弟既不能殉父兄九原又不能尋讐
於逆焰燼天之日顧當諸奸既敗復懇

聖明赫焉斯怒庸豎子

聖世所不容并乞

皇上殛

臣

以謝

臣

父兄與父兄之讐蓋

皇上縱不殛

臣

臣

亦終不免於阮大鍼傳檄而

反不得死地也臣泣血三年停血萬斛獻始
灑向

聖明無任痛哭待

命之至

崇禎元年十月初十日

十四日奉

聖旨魏學濂瀝血上書情殊可憫奏內阮夫錢
傳樾事情部院看議來說

原任左春坊左諭德今贈詹事府詹事繆
昌期男生員繆虛白爲恭謝

天恩并陳先臣慘死顛末懇乞 聖鑒以表忠
節疏

臣竊思逆璫魏忠賢兆殺忠義株連遍及賴
宗社之靈篤生

皇上誅逆褒忠 臣一門生全皆

皇上之賜也感激流涕 臣復何言但天下知先
臣之慘死而未知所以死者大節未明雖死

銜恨敢瀝血陳之臣父繆昌期繇萬曆癸丑
進士授簡討歷陞左春坊左諭德生平盡直
不顧嫌怨爲吉士時見時事不平輒憤惋昌
言以故忌者擠歸迨復職未幾目擊逆璫魏
忠賢矯竊詔旨擅作威福先臣早爲寒慄
適副院楊漣僉院左光斗過先臣旅邸相顧
歎息共圖剪惡二臣曰不去此賊無以報國
先臣曰首輔葉向高見蒙

先帝委任力能驅除大憝若外庭先抗疏列其

罪狀而後輔臣援外庭公論面奏

先帝立黜忠賢便消陰禍漣亦首肯曰吾蓄此
志久矣議定而漣疏上先臣因以太義責輔
臣輔臣畏逆璫兇談遷就不決乃巧趨捷徑
者借先臣爲贊獻媚逆璫謂楊漣二十四罪
疏屬先臣代草夫漣忠憤有素先臣寧以此
居功但同心除慝捐軀赴義實與共之所以
忠賢恨先臣最深始閑住繼爲民旋又矯
旨被逮之日邏卒遍布或疑先臣死於家先

臣曰我不怖死必就獄以明志於是從容赴
難慷慨賦詩有一死無餘事 三朝未報恩

之句逮下鎮撫許顯純授意獄卒先臣垂死
比諸臣獨加一柵實仇其代草也鞠時顯純
考曰你江南才子如何與楊左往來幹此通
天大事先臣曰漣爲常熟令即相傾蓋光斗
爲同年幸同臭味何能不往來實不知何爲
通天大事又考曰你賊私從實招出先臣曰
翰林冷局又素守清節賊私何處得來顯純

兩問語塞因受榜笞極其嚴酷三次鍛鍊骨
節盡斷膚肉不留先臣並不作淒楚聲但曰
二祖

十宗有靈臣死不恨因誣坐賊三千家貧路遙
不能應限顯純隨授內意僅十有八日先諸
臣斃于獄旅櫬還家未及停棺追賊符下承
望風旨且監且責勒限追比破產不足連及
親故又不足本府推官劉興秀見臣囚首控
哀不勝惋惜捐俸倡助偉而克數不然臣已

斃於箠楚之下矣酷哉忠義之受禍也先臣
少獲文譽名播海內晚而登第立朝僅六
七年且官非臺諫職無事權假令稍爲依阿
循資而進在今日已躋清華得專

明主惟是一生忠藎直欲爲國家寢奸於歲
成而勢不從心死而後已寧爲愚爲拙必不
爲媚爲奸耿耿之忠真足以貫白虹而耀青
史臣不敢一字緣飾謹備陳顛末仰塵

睿覽念先臣之受慘禍實與楊漣事體相連天

下共知而孤忠未達公論猶鬱臣所以痛心
搏顙顙

天而呼也懇乞

皇上特加憐憫准照楊漣周順昌魏大中等事
例 賜額建祠早定易名之典使天下曉然
知詞臣內忘身殉節繼劉忠愍而起者獨有
先臣一人實風勵人心之大端也又臣母李
氏備嘗辛苦更遭多難并乞

皇上照 大明會典例給與新銜 誥命是

皇上晉錫類之仁而臣世世效祈結者也臣無任哀號待命之至

崇禎元年十月

日奉

聖旨繆虛白爲父繆昌期奏謝知道了昌期作奸賈禍慘死可憫已經贈廕還與他謚及妻李氏新銜誥命該部知道

原任吏部文選司員外郎今贈太常寺卿
周順昌男生員周茂蘭奏爲孤忠已被

恩褒沉寃尚未剖析謹控籲號 天懇報

父仇以彰 國法疏

臣父順昌中萬曆四十一年進士始仕福州

府推官勺水自嘗纖塵不染值稅監高家擅

行威福 臣父不屑一見時有監司假名調停

實左右之致變羈囚恬不知恥者 臣父鄙之

每事相左幾爲其所中幸公道彰明得入銓

署計供職十有五年弊絕風清未嘗受一粒
一緡即尋常一竿牘謹勿輕投退食之餘惟
與同鄉一二相知切磨道義而已壬戌之受
事署銓政與一科道不合拂衣竟歸歸裝雖
有布被一牀殘書數卷抵家杜門半刺不入
公府正色力持者獨鄉紳大體至地方利弊
猶嘔心區畫以其身隱係維桑之重迫逆瑞
煽禍臣父攢眉扼腕恨不從楊漣諸臣後請
尚方之劍會科臣魏大中逮過吳門臣父痛

其介特孤蹤橫羅羅網問及身後遂與締婚
舟次憂危談及中朝事輒拍案怒罵緹騎
還京具告逆璫痛恨臣父不減楊漣大中五
虎倪文煥瞞璫微指首先操戈而臣父削籍
矣前此撫臣毛一鷺多炎凉市態臣父微致
反唇一鷺遂從杭州敦請織監李實至蘇州
促膝獻計更有同鄉破甑希進之人借臣父
以媚文煥殺機旣發罪罟斯張而臣父逮矣
逮命旣至萬人憤攻爭毆得殺臣父者而甘

心焉乃緹騎反逞咆哮愈于衆怒洶然一聲
攘臂四起臣父大咤疾呼謂爾曹不數語先
觸死知府寇慎知縣陳文瑞更委曲理論稍
稍解去臣父身赴詔獄訊鞫之日奮詞慷慨
聲徹棘林致肌骨爲糜指膜俱裂活剝生燬
立刻追命種種楚毒獄吏傳示外人與臺端
形之章奏皆以臣父氣更壯語更烈死亦更
慘臣言及此腸如攢刺痛慕號泣一字不能
矣尤可恨者當日開讀起變疾召風雨若撫

按直據情形連章入告逆璫或能悔禍乃採
殺公論主在周順冒植黨附邪仰干

聖怒向與諸人互相標榜習氣高自矜詡陰承
漏網之旨明種株連之禍何忍心辣手至此
顏佩韋等五人駢首就戮其臨刑痛罵者爲

誰迄今在人齒頰也

臣

父身死追贓矣窮無

抵措藉親故捐俸捐貲勉完三千之數恭遇
聖明御極逆黨次第殲夷當年挑釁攢謀之人
借桐封以頌忠賢甘入幕以悅文煥者皆倖

逃指摘臣本欲暢言之而上有朝論下有鄉
評且因臣父生平嫉惡而宅心忠厚臣姑隱
忍以承先臣之遺教獨文煥以責治門臣開
罪逆璫臣攻臣父其寵嬖不下崔呈秀臣餒而
順天巡按候而河南掌道遂以元功受上賞
不得不爲剪艸除根之計而一鷺輩又捷投
之此臣父所由殞身畢命而臣三年立廷臥
苦嘗膽誓不與諸奸戴履

天地者聞文煥在鼎湖之際首先効功贊成

不軌真

九廟神靈所必殛而一鷺頌璫建祠罪狀具在
豈容以湑先首丘免其追削伏乞

勅下部院將新提到倪文煥照崔呈秀田爾耕
等斬首弃之西市俟遺孤得分嚮濺血呼告
先靈并將毛一鷺盡法被戮以爲戕賊賢士
大夫者之戒則復仇之義稍伸臣即下從臣
父永無憾矣臣無任痛哭待

命之至

崇禎元年十二月十五日奉

聖旨周茂蘭所奏事情知道了倪文煥旣已解
到着寃擬正罪毛一鷺媚奸建祠本當追究
姑念已故不必再求血書原非奏體以後悉
行禁止該衙門知道

維

崇禎二年歲次己巳四月己巳朔越九日
乙未不孝孤子繆虛白袁勲周茂蘭左國
柱周命寧魏學濂周彥陞等因

今皇帝登極優卹死事賜贈廕祭葬或更賜祠
賜謚孤等上疏陳情亦並蒙嘉納孤等始
得各持酒一樽飯一盂香一炷紙一束同
造鎮撫司前并爲楊之易等具祭而哀
告曰此地何地乃人子在此哭父天乎痛哉

孤等於

府君未歿不能救既歿不能殉即有時痛不欲生然亦究竟不能死自羞自恨正無顏對吾

府君冥冥中而向每過此足不能前含淚悲想以爲此門之內便當是明心堂吾

府君受拶受夾受棍於此堂之旁便當是獄吾

府君血流肉爛蠅嘍蛆攢鎖頭凌虐從而捐

殺於此又轉出此衛之後則見生穴扃於
穢污中爾時孤等雖習於不孝總無計顧
此心矣天乎痛哉今日所以相率哭祭又
非爲下招歸來也患寃義鬼蚤隨

二祖

列宗在

帝左右而孤等一腔積血嗚咽未洒

聖恩浩蕩使孤悲從痛生抑又泣從感下

靈爽不昧當知諸孤不孝亦嘗來此哭祭而

三年之內并哭亦不敢今得而來此又爲誰之

深恩

府君其識之矣天乎痛哉尚

饗